

南史识小录

南史识小录
PDG

北史識小錄卷十

錢唐沈名蓀澗芳秀水朱昆曰文登

原輯

後學錢唐張應昌補正

隋宗室諸王列傳

文帝居武元之憂率諸弟負土爲墳人植一柏四根鬱茂西北一根整所栽者獨黃後因大風雨并根失之果終不吉 整取尉遲綱女生智積開皇中有司奏智積將葬尉太妃帝曰昔幾殺我我同生三弟皆倚婦家勢常憎疾我我向之笑云爾旣嗔我不可與爾角嗔 竝云阿兄止倚頭額 父母亡後二弟及婦又讒我於晉公於時每還欲入門常不喜如見獄門 當時實不可耐羨人無兄弟世間貧家兄弟多

相愛由相假藉達官兄弟多相憎爭名利故也 智

積在同州未嘗嬉戲游獵聽政之暇端坐讀書有侍

讀公孫尚義山東儒士府佐楊君英蕭德言並有文

學時延於座所設惟餅果酒纔三酌

以上蔡王整傳

瓚貴

公子又尙公主美姿容好書愛士甚有當時譽時人

號曰楊三郎

滕王瓚傳

山東人多流冗遣人案檢又欲

徙人北實邊塞勇士書諫曰人不堪命致有逃亡非

厭家鄉願爲羈旅 勇常文飾蜀鎧帝見而不悅曰

吾昔衣服各留一物時復看以自警戒故令高顯賜

汝我舊所帶刀子一枚并菹醬一合汝昔作上士時

所常食如此若存憶前事應知我心 晉王讒勇於

后后曰。睨地伐漸不可耐。我爲伊索得元家女。竟不聞作夫妻。專寵阿雲。有如許豚犬。后又謂楊素曰。睨地伐共阿雲相對而坐終日酣宴。勇知有廢立之意。憂懼計無所出。聞新豐人王輔賢能占候。召而問之。輔賢曰。白虹貫東宮門。太白襲月。皇太子廢退象也。以銅鐵五兵造諸厭勝。又於後園內作庶人村。屋宇卑陋。勇時於中寢息。布衣草褥。冀以當之。楊素陳東宮事狀曰。太子云。竟乃令我不如弟一事。以上不得自由。因長歎。回視云。我大覺身妨。又云。諸王皆得奴獨不與我乃向西北奮頭。喃喃細語。帝曰。此兒不堪承嗣久矣。勇昔從南兗州來。語衛王曰。阿。

嬖不與我一好婦女亦是可恨因指皇后侍兒曰皆我物此言幾許異事先是勇嘗於仁壽宮參起居還塗中見一枯槐樹根榦盤錯大且五六圍顧左右曰此堪作何器用或對曰古槐尤堪取火於時衛士皆佩火燧勇因令匠者造數千枚欲分賜左右至是獲於庫又藥藏局貯艾數斛亦搜得之大將爲怪素又發泄東宮服玩似加瑤飾者悉陳於庭帝曰前簿王世積得婦女領巾狀似稍幡當時徧示百官欲以爲戒今我兒乃自爲之領巾爲稍幡此是服妖引男及諸子於殿廷宣詔廢勇勇再拜曰臣合尸之都市幸蒙哀憐得全性命言畢泣下流襟旣而舞蹈

而去。勇以廢非其罪，頻請面申冤屈。皇太子過，不得聞。於是升樹號叫，聞於帝。冀得引見，楊素因奏。勇情志昏惑，又癩鬼所著，不可復收。初，勇雲昭訓生。

長甯王儼帝聞之曰：「此乃皇太孫何乃生，不得地雲氏父定興奏曰：『天生龍種，所以因雲而出。』」以上房陵王勇傳

秦王俊有巧思，爲妃作七寶羃離，重不可戴，以馬

負之而行。俊又爲水殿，香塗粉壁，玉砌金階，梁柱

楣棟之間，周以明鏡，間以寶珠，極瑩飾之美。每與賓

客伎女絃歌於上。俊頗好內妃，崔氏性妬，甚不平

之。遂於瓜中進毒，由是遇疾。俊奢縱，免官，以王就

第。楊素諫，秦王過不應。至此，帝曰：「若如公意，何不別

制天子兒律。俊薨於邸。帝哭之數聲而已。曰。晉王

前送一鹿。我令作脯。擬賜秦王。今亡。可置靈座之前。心已許之。不可虧信。帝及后往視。見大蜘蛛。大蛛

螻從枕頭出。求之不見。窮之知妃所爲也。俊葬王

府僚佐請立碑。帝曰。欲求名一卷史書足矣。何用碑

爲。若子孫不能保家。徒與人作鎮石耳。以上秦王俊傳帝

謂羣臣曰。壞我法者必在子孫。譬如猛獸。物不能害

反爲毛。間蟲所損食耳。帝以秀蠹害生靈。乃下以

法開府。慶整諫曰。陛下兒子無多。何至如是。太子

陰作偶人書。帝及漢王姓氏。縛手釘心。令人埋之於

華山下。令楊素發之。數秀罪。詔妄道青城。出聖欲

已當之重述木易之姓。妄傳禾乃之名。輒造白玉之
珽。又爲白羽之箭。鳩集左道符書。厭鎮漢王於汝親
則弟也。畫其形象。枷鎖杻械。乃云請西嶽華山慈父
聖母。神兵九億萬騎。收楊諒神魂。閉在華山下。我之
於汝親則父也。復云請西嶽華山慈父聖母。賜爲開
化楊堅夫妻回心歡喜。又畫我形像。縛手撮頭。仍云
請西嶽神兵收楊堅神魂。不知楊諒楊堅是汝何親
也。以上蜀王秀傳并州謠言一。張紙兩。張紙客量小兒作
天子。漢王諒反。僞署官告。皆一紙別授。則二紙又諒
字。阿客量與諒同音。於皇家最小。以爲應之。漢王諒傳
昭言色恂恂。未嘗忿怒。其有深可嫌責者。但云大不。

是。元德太子昭傳

侗討字文化及詔大隋日月所臨風雨

所至圓首方足稟氣食毛事重刑籤狀盈獄簡

若火焚毛如湯沃雪以此衆戰以斯順舉擘山可

以動射石可以入賊擁此人徒皆有離德京都侍

衛西憶鄉家江左落人南思邦邑自應解甲倒戈

冰消葉散侗旣爲王世充等所立尋酖之請與母

相見不許遂布席焚香禮佛咒曰從今已去願不生

帝王尊貴家。以上越王侗傳齊王暕爲煬帝疏忌宇文化

及弑帝令人捕暕時尙臥未起賊進猶謂帝令捕之

曰詔使且緩兒不負國家賊斬之暕竟不知殺者爲

誰。齊王暕傳蕭后嘗灸杲時年幼先請試灸后不許杲

泣曰后所服藥皆蒙嘗之今炙願聽嘗炷悲咽不已

后爲停炙

趙王果傳

本史補文帝曰昔父母泣謂我曰爾三弟大劇不能

愛兄我因言一日有天下當改其姓夫不愛親而愛

他人者謂之悖德當改爲悖

蔡王整傳

太子勇廢所生

長甯王儼亦坐廢上表求宿衛帝覽之惻然楊素進

曰伏願聖心同於螯手不宜留意

房陵王勇傳

文帝夢

神自天而降云是天神將生降及聞蕭妃有娠迎至

大興宮之客省生元德太子昭養於宮中號大曹主

三歲時於元武門弄石師子文帝與文獻皇后至

其所昭避去文帝數曰天生長者誰復教乎

以上元德太子

傳昭

臨書補

觀德王雄讓表錫土作藩鉏金開國觀德王雄傳

滕王綸令沙門惠恩崛多等爲度星法

北史作厥勝法滕

綸王

罪滕王綸衛王集詔綸集以附萼之華衛王集傳

元德太子哀冊文蜃綵宵載鶴關曉闢體元襲

聖儀耀重光氣秀春陸神華少陽居周軼誦處漢

韜莊有縱生知誕膺惟睿性道騰日幾深綺歲

樹親建國命懿作藩威蕤先路舄奕渠門庸服有紀

分器惟尊風高楚殿雅盛梁園惟展清秘親賢

允屬泛景鳳瀾飛華螭玉揮翰泉涌敷言藻緝粵

自天孫光升元子綠車逮事翠纓奉祀南山聘隱

東序尊師。

冲情玉裕。令問金相。

瑤山頽壤。桂宮

毀構。痛結幽明。悲纏宇宙。去榮華於人世。卽潛墜

之幽深。

九地黃泉。千年白日。

天壤長畢。

圖芳

篆素。

以上元德太子昭傳

隋列傳

高頴孩孺時。家有柳樹。高百許尺。亭亭如蓋。里中父
老曰。此家當出貴人。頴請征尉遲迥受命。便發遣
人辭母云。忠孝不得兩兼。歔歔就路。至軍爲橋。於
沁水賊於上流。縱火棧。頴預爲土狗。以禦之。頴平
陳後。右衛將軍麗晃及將軍盧賁等。前後短頴於帝。
帝怒。皆被疏黜。因謂頴曰。獨狐公猶鏡也。每被磨瑩。

皎然益明。頴先賜姓獨孤氏。故稱之云。帝嘗從容

命頴與賀若弼言平陳事。頴曰。賀若弼先獻七策於後。蔣山力戰破賊。臣文吏耳。焉敢與猛將論功。頴

被讒坐免。以公就第。帝幸秦王俊宅。召頴侍宴。頴悲不自勝。帝曰。朕不負公公。自負朕也。因謂侍臣曰。我

於高頴勝兒子。雖或不見。常似目前。自其解落。嗟然忘之。如本無高頴。初頴爲僕射。其母誡之曰。汝富

貴已極。但有所頭耳。以上高頴傳牛宏請開獻書之路

表劉裕平姚。收其圖籍。五經子史。纔四千卷。皆赤軸青紙。文字古拙。宏論自秦至梁。書有五厄。上可

其奏。詔獻書一卷。資縑一匹。宏弟弼好酒而酗。嘗

醉射殺宏。駕車牛。宏還宅。其妻迎謂曰。叔射殺牛。宏

聞無所怪。問直答曰。作脯坐定。妻又曰。叔忽射殺牛。

大是異事。宏曰。已知。顏色自若。以上牛宏傳周武謂羣

臣曰。我常日聞李德林爲齊朝作書。檄我。正謂其是。

天上人。豈言今日得其驅使。復爲我作文書。神武公

紇豆陵殺答曰。臣聞明王聖主得麒麟鳳皇爲瑞。德

林來受驅策。勝於麒麟鳳皇遠矣。帝大笑曰。誠如公

言。隋文敕令德林撰錄。作相時。文翰謂之霸朝。雖

集。帝省讀訖。明旦謂德林曰。昨宵恨夜長。不得早見

公面。以上李德林傳梁士彥謀反。詰之不伏。捕薛摩兒對

之。摩兒具論始末。云第二子剛垂泣。苦諫第三子叔

也。我、梁、士彥、剛、垂、泣、苦、諫、第、三、子、叔、

諧曰作猛獸須成斑梁士彥傳

元諧謂隋文曰公無黨

譬如水間一堵牆大危矣及受禪顧謂諧笑曰水間

牆竟何如也平陳百寮大宴諧進曰陛下威德遠

被臣前請突厥可汗爲候正陳叔寶爲令史今可用

臣言帝曰突厥不知山川何能警候叔寶昏醉甯堪

驅使諧與從父弟滂嘗同謁帝私謂滂曰我是主

人殿上者賊也因令滂望氣滂曰彼雲似蹲狗走鹿

不如我輩有福德雲諧以上元虞孝仁從伐遼爲都

水丞充使監運性奢華以駱駝負函盛水養魚而自

給虞慶則傳周趙王招謀害帝帝不之知乃將酒肴詣

其宅趙王引帝入寢室將爲不利元胄遽請曰相府

事殷公何得如此扶帝下牀趨而去趙王恨不時發彈指出血正月十五日帝與近臣登高時胄下直

馳詔召之謂曰公與外人登高未若就朕也以上元

高智慧等作亂江南史萬歲以行軍總管從楊素

擊之自東陽別道而進踰嶺越海攻陷溪洞不可勝數前後七百餘戰轉鬪千里寂無聲聞者十旬遠近皆以萬歲爲沒萬歲乃置書竹筒中浮之水汲者得之以言於素萬歲擊南甯夷入蜻蛉川經弄凍次

小勃弄大勃弄至於南中皆破之行數百里見諸葛亮紀功碑銘其背曰萬歲後勝我者過此萬歲令左右倒其碑而進以上史乞伏慧封西河郡爲荊州

總管曾見人以簦捕魚出絹買而放之百姓美之號其處曰西河公簦。乞伏慧傳張威爲青州總管頗事產業遣家奴於人間鬻蘆葍根其奴緣此侵擾百姓

尉遲迴亂以韋孝寬爲元帥擊之陰壽監軍時孝寬

有疾不能親總戎事每臥帳中遣婦人傳教命。以上陰壽傳

郭衍爲瀛州刺史遇秋霖大水屬縣多致漂沒

人皆上高樹依大冢衍親備船楫并齎糧食拯救之

晉王有奪宗之謀託衍心腹遣宇文述以情告之

衍大喜曰若所謀事果自可爲皇太子如其不諧亦

須據淮海復梁陳之舊副君酒客其如我何。以上郭衍傳

周武居太后憂與左右出獵張衡露髻輿櫬叩馬